

ERỌŃ EKE UFỌK-ERỌŃ CHRIST

Psalm 95:1-11; Ecclesiastes 8:11-13; 3:1-17; Isaiah 49:7-9;

2 Nwede Corinth 6:2

ỌYỌHỌ UKPEP-ŃKPỌ 377

Eke Mkparawa

IKỌ IBUOT: “Mbufo eyom Jehovah, ke ini ekemede ndikut Enye, eseme ekot Enye, ke ini Enye ekperede” (Isaiah 55:6).

Edituak Ibuot

“Mbufo edi, nnyin ituak ibuot inyuñ inuhọ: inyuñ tọnọ edọn ke iso Jehovah andinam nnyin.” Mme ikọ andiwet Psalm emi ewut nnyin se Abasi oyomde kpukpru nnyin inam. Enye oyom nnyin ituak ibuot inọ Imọ. Abasi okobot kpukpru nkpo ye kpukpru owo. Enye okobot nnyin ọnọ Idemesie. Ekebot nnyin man inem Enye esit (Nwede Mbon Colossae 1:16; Eriyarare 4:11). Ntak efen emi ekebotde nnyin edi man nnyin ituak ibuot inọ Abasi.

Ediwak owo ituakke ibuot, itoro, inyuñ inamke nkpo inọ Abasi. Etiñ ete ke kpukpru se Abasi obotde, ke ebede owo, esuk ibuot enọ Abasi, ndien nkpo kiet-kiet, ke usuñ esie, enọ Abasi ubọn. Ikwọ mme inuen edi itoro ọnọ Abasi. Nte ebonde nkpo, uduot, ye uyai utom ubok Abasi ebuk ubon Esie. “Mme Heaven ke ebuk ubon Abasi, ikpa-enyon onyūn etiñ se ubok esie anamde” (Psalm 19:1).

Itoro

Ke ediwak itie ke mme Psalm eti nnyin nditoro Abasi. Ekwọ enọ Jehovah, etoro enyiñ Esie” (Psalm 96:2). “Mbufo ofuri ererimbot, esio mkpo idara enọ Jehovah: ebumere, edara, enyuñ ekwọ” (Psalm 98:4). “Mbufo etoro Jehovah, koro ofonde ndikwọ Abasi nnyin” (Psalm 147:1). “Mbufo etoro Jehovah” (Psalm 148:1; 149:1; 150:1). Owo ikemeke nditoro Abasi nte ekemede ibohoke enyaña enye.

Akpana nnyin itoro Abasi koro Enye edi, “andinam nnyin.” Owo kiet kiet, eren, nwan ye eyenowon ekpenyene ndida Jehovah nte Abasi esie. Abasi okot owo akpaimo ete edi “ikot emi enye obotde, ye ufene ubok esie.” Enye okot kpukpru owo ndibọ erinyaña nnyūn ntiene Enye.

Ekpeme-eron

Eda Jesus edomo ye ekpeme-eron, enyuñ eda mbet Esie edomo nte mme eron. Jesus okodohọ ete, “Ami ndi eti ekpeme eron; eti ekpeme-eron ayak uwem Esie oduok kabaña mme eron” (John 10:11). Obon omofioke mme eron Esie, onyūn okot mmọ kiet kiet ke enyiñ (John 10:3). Sia Jesus edide Ekpeme-eron nnyin, Enye ada mme eron Esie usuñ. “Enye ebem mmọ iso, mme eron enyuñ etiene enye; koro mmọ edionode uyo esie” (John 10:4). Nditọ Abasi ebeñe idem nditiene nnyūn nka ebiet emi Ekpeme-eron adade usuñ.

Ke oyohọ Psalm edip ye ita, etiñ enọ nnyin ebiet emi Ekpeme-eron oro adade owo aka: “Ke awawa mbiet,” ebiet emi ukpon ekemede ndidia se ifonde ikan! “Ke mmon nduok-odudu,” ebiet emi ukpon nsat-iton ekemede ndiyuhọ! Eti Ekpeme-eron ada ikot Esie aka ebiet nduok-odudu ye uyuhọ. Eron ikemeke “ndisuhore nna” ibohoke enye adia udia, onyūn oyuhọ. Eron idinwonke mmon ibohoke idim asana onyūn ana sun-n. Kot oyohọ Psalm edip ye ita oro ofuri-ofuri nnyūn kut nte edidion awakde emi enade ebet mmọ eke ekemede ndidohọ, “Jehovah edi andibok mi.”

Eron Emi Osopde

Jesus okotop nke abana eron emi okosopde. Eron anan ye efurenan ekeke ke ufok ke ifure, edi eron kiet ama osop.

Akpana kiet adiana do. Ekpeme-eron oro ete “ika ke mme obot ikoyom kiet oro osopde” (Matthew 18:12). “Ndien ama okut enye, odori ke afara esie adat esit” (Luke 15:5).

Edieke mudighe anditiene-Christ, afo edi enye emi osopde emi Ekpeme-eron oro oyomde. Enye ke oyom fi. Enye ke oyom ke “mme obot” emi ndik ye tueb edude. Nte afo omokop Enye okotde enyiñ fo?

Mmọ emi esopde ifiokeke idiok-itie emi mmimọ esinede ke esit. Ekeme ndidi mmọ ikwe Satan “nte Lion eke okunide oyom se editade” (1 Peter 5:8). Mmọ eke miduhe ke otu eron Abasi ekaka iso ndidianare nkpon

Abasi anyan usuñ. Kpa nte mme eroñ emi esopde, etap mmọ eka mme mbiet efen eke eyohode ye ibok-mkpa emi mmọ editade. Ekeme nditap mmọ esin ke mme idiok itie emi nkukim edifatde mmọ ikama. Edi Eti Ekpeme-eroñ ke oyoyom mmọ. Enye ke akpañ utoñ onọ ekpri uyo mmai kiet, ekpri uyo akam kiet! Enye eyemen mmọ emi ekesopde odori ke afara Esie onyuñ ada mmọ onyoñ ufok-eroñ. Idara eyekpon koro ekutde enyuñ enyañade mmọ emi ekesopde.

Ke Etrede Ndiyere

Ke ini Abasi okotde, ofon ndisoshop nyere. Ndusuk Enye idikotke aba. Ndusuk Enye idisañake aba usuñ fo ibe. Isaiah, anditiñ ntiñ-nnim ikọ okodohọ, “Mbufo eyom Jehovah ke ini ekemedede ndikut enye, eseme ekot enye ke ini enye ekperede” (Isaiah 55:6), nte nkpo emi ekemedede ndidu ini emi Abasi midikpereke.

Owo kiet emi ekerede Felix, emi ekedide andikara, edi uwut-nkpọ owo emi ekesinde ndiyere ikot Abasi. Ke ini Paul ekedide owo-nkpokobi ke ntak ukworo-ikọ esie, enye ama ada ke iso Felix nditiñ mbaña “mbuotidem ye Christ Jesus.” Paul ama eneme ye Felix abaña edinen ido, ye mfara idem, ye ikpe eke edidide.” Felix otōñ ndinyek idem, koro ekeme ndidi ikpe ama obiome enye abaña mme idiok-nkpọ esie. Edi Abasi eketiñ ikọ ye enye, onyuñ okot enye, edi Felix ebin Paul onyoñ. Enye ikoyomke ndisuk nka iso nkop mbaña erinyaña. Enye ikeyereke ikot Abasi. Felix ete, “Ka okwo kaña; mma nnyene ifet, nyetōñ ntak nkot fi edi” (Utom Mme Apostle 24:25). Edi iduhe itie ke Nwede Abasi emi ewetde ebaña nte Felix ekenyenede ifet efen ndibọ erinyaña. “Eti ifet efen” ikoduhe aba inọ enye. Enye ikokotke ke ini Jehovah ekperede. Eduri nnyin utoñ: “Ekusōñ esit mbufo” mbak Abasi ediyat esit onyuñ etre ndifiak nkot.

Ubiere-ikpe

“Koro miwarake ndinọ idiok owo ufen, oro esin nditọ owo esōñ esit ke idem mmọ enam idiok.” Abasi isopke kpukpru ini ndidoñ ufen ye ubiere-ikpe etiene mmọ emi enamde idiok-nkpọ. Edi oro iwutke ite Abasi adadara ke utọ uwem oro mmọ edude. Okposuk nte Abasi ediyakde anam-idiok aka iso ndinam idiok “utim ikikie”, idifonkefon inọ enye ibohoke enye okpoñ usuñ idiok esie onyuñ anam nkpo onọ Abasi. Okposuk nte ubiere-ikpe Abasi midighe kaña, ini odu emi enye edidide. “Abasi eyekpe-ikpe eti owo ye idiok: koro ini anade onọ kpukpru se eyomde, ye kpukpru se enamde do.” Emenim ini enọ kpukpru nkpo. Edi akpan uduak emi Abasi enyenede onọ nnyin edi nte ekpenyañade nnyin mbemiso osim usen ubiere-ikpe, man osio isop idiok-nkpọ oto ke Iyip Jesus. Owo idioñke ini emi usen ubiere-ikpe edidide. Ekeme ndidi mbemiso mfin emi ebe. Nwede Abasi etiñ onọ nnyin ete ke odu “ini eke emanade, ye ini eke ekpade.” Nnyin kiet kiet imenyene ini emi nnyin ikamanade.” Nte ededi, ikam idighe ndidu uwem mme ndikpa mkpa, edi “ndinyuñ nda ke itie-ikpe ke oro ebede” (Mme Hebrew 9:27).

Mbeñe-idem

Ke ini owo osuk odude uwem edi ini ndibeñe idem nno ubiere-ikpe oro. Ke Ecclesiastes nnyin imokot. “Ke ebiet eke eto oduode, do ke enye edina” emi oworođe edieke owo edide anam-idiok ke ini enye akpade, enye eyesuk edi anam-idiok. Edieke owo enyenede erinyaña ke ini enye akpade enye eyesuk odu ke uduot oro. Ifet ndikpuhore ididude. Mme anam-idiok eyedi mme anam-idiok ke ini edade ke iso Abasi ndibọ ubiere-ikpe. Eyesio idiok-nkpọ mmọ kpukpru ewut ndien eyekpe ikpe mmọ etiene mme nkpo oro mmọ ekenamde.

Inaha owo ekpefehe usen ubiere-ikpe me ndikop ndik ndika ke iso Abasi; emekeme ndisohi mme idiok-nkpọ esie mfep mi kpa idahemi (Utom Mme Apostle 3:19). Ke ini owo akabarede esit onyuñ ebeñede edidahado-nno oto Abasi, emen idiok-nkpọ esie efep ndien idinyuñ itih mmọ “aba” (Psalm 103:12; Mme Hebrew 8:12). Ediwak owo eyom enyaña mmimọ, edi mmọ esio usen erinyaña mmọ enim enọ ini iso. Nnyin imokot “Sese, ini mfon-ido mi; Sese, usen erinyaña Mi.”

Ifet Mmọ

Abasi eneme ye mme owo onyuñ okot mmọ edinam nkpo enọ Imọ. Enye onọ mmọ kpukpru ifet ndibọ erifen ke mme idiok-nkpọ mmọ. Mbemiso Abasi okodohọ ubiere-ikpe eke mmōñ-ukwọ onọ mme owo ke isōñ, mmọ ema enyene ifet ndikabare esit. Abasi ama anam iren ye iban efiok ebaña mme idiok-nkpọ mmọ edi mmọ esin ndikabare. Ke akpatre Abasi ete, “Spirit mi idinwanake ye owo ke nsinsi” (Genesis 6:3). Edi Noah “okut mfon” ke iso Jehovah. Abasi ama asian Noah se iyomde nditibe ye nte enye edisañade qbohọ. Noah ama onim uyo Abasi onyuñ qbop ubom oro. Noah ekedi “Okworo edinen ido” (2 Peter 2:5). Ndien ana edi ke

enye ama etiñ ọ̀nọ̀ mme owo se Abasi ọ̀kọ̀dọ̀họ̀de. Edi ufọ̀k Noah ikpọ̀n-ikpọ̀n ekebọ̀họ̀. Mmọ̀ eken ikakabakere esit.

Ke eyo Abraham, Abasi ama ọ̀dọ̀n ubiere-ikpe etiene mbon Sodom ye Gomorrah. Abraham ama ọ̀bọ̀n akam ete enyaña eyen eyen-ete imọ̀, Lot. Ema enyaña enye sia enye okonimde ke akpanikọ̀ onyũ̀ anamde item. Lot ama aka ebine mme ukot esie onyũ̀ oduri mmọ̀ utọ̀n ete ke Abasi ọ̀mọ̀n osobo obio oro. “Edi enye etie nte owo abiaña ke enyin ukot esie” (Genesis 19:14). Ema esobo mmọ̀ koro mmọ̀ ikonimke ke akpanikọ̀ ikonyũ̀ inamke item.

Erinyaña

Ke ema ekefen mme idiọ̀k-ńkọ̀ owo, ndik ubiere-ikpe Abasi ọ̀nyọ̀n; edi oro idighe ńkukure edidiọ̀n. Owo emi enyañade ebeñe idem ndidu uwem oro ńko. Enye emekeme ndikop inem uwem oto ke edisana esit ye ndifiọ̀k nte ke Abasi odu ye imọ̀. Enye emenyene emem ke esit esie, koro esit esie enen ye Abasi onyũ̀ eneñere usuñ esie ye mme owo ńko. Abasi ọ̀nọ̀ odudu, uko, ye uñwam esọ̀k ikọ̀t Esie.

Edieke minyañake fi, bọ̀n akam nyuñ beñe Abasi efen ọ̀nọ̀ fi. Emi eyedi usen idara ọ̀nọ̀ fi. Emi edi “ini mfọ̀n-ido” onyũ̀ ekeme ndidi usen erinyaña ọ̀nọ̀ fi. Kubet aba.

MME MBUME

- 1 Nso idi ntak emi akpanade owo ọ̀bọ̀ erinyaña?
- 2 Anie ke ana nte enyaña?
- 3 Nso idi ntak emi mikpanaha owo esin erinyaña?
- 4 Ke ini Abasi okotde, nso ke owo akpanam?
- 5 Didie ke Abasi okot owo man enyaña enye?
- 6 Nso idi enyiñ owo emi ekekerede ete ke imọ̀ iyenyene “ifet” emi ọ̀fọ̀nde akan?
- 7 Ọ̀wọ̀rọ̀ didie ndidọ̀họ̀ “Sese, ini mfọ̀n-ido mi”?
- 8 Enim enọ̀ owo ndikpa ini kiet ndien ke oro ebede nso idiana?
- 9 Nso idi ntak odotde owo ndibọ̀ erinyaña ke ini enye edide kaña akparawa?
- 10 Nso itibe ye owo emi esinde ndibọ̀ erinyaña?